

# Áššeovddideapmi

Vuodđodokumeanta.  
 Jorgaluvvon dokumeanta

Vuorkááššnr. 2019/939-2	Vuorká: 251	Áššemeannudeaddji: Sara Irene Eira Hætta	Dáhton: 12.11.2019
----------------------------	----------------	---	-----------------------

Lávd.áššnr.	Lávdegoddi:	Čoahkkindáhton:
	Ovdagotti mearrádusevttohančoahkkin	
	Suohkanstivra	

## ÁLGGAHANLOATNA / DOARJJA VIESSOBÁŊKKUS 2020

### Mearrádusdiehtu sáddejuvvo dán čujuhussil:

- Viessobáŋkui.

### Ášši duogáš:

Guovdageainnu suohkan lea aktiivvalaččat geavahan sihke Ásahanloana ja Álggahanloana movttiideapmin ja veahkkin ásodatpolitihkas.


Álggahanloana lea geavahuvvon loahpparuhtadeapmái go ii oaččo ruhtadeami dábálaš báŋkkus dahje Viessobáŋkkus ja iežaskapitalain. Njuolggadus lea leamaš ahte 1.prioritehtaloana ohca Viessobáŋkkus dahje dábálaš báŋkkus. Lea maidai suohkana njuolggadusaid mielde praktiserejuvvon ahte galgá álggos geahččalit oažžut ruhtadeami báŋkkus. Mii leat dábálaččat gáibidan ahte ovdal go ovddida Álggahanloatnaohcama, de galgá duođaštuvvot ahte lea geahččalan ohcat loanaid eará báŋkkuin. Álggahanloatna sáhtta maidai geavahuvvot vejolaš ollesruhtadeapmái ja maid ođđasiidruhtadeapmái.

Viessobáŋku addá vuodđoloana dušše viessohuksemii ja viessodivvumii ja dađistaga leat máŋggas geat ohcet álggahanloana olles ruhtadeapmái viessooastima oktavuodas.

### Árvvoštallan:

Álggahanloatna lea buorre váikkuhangaskaoapmi viessoháŋkanbarggus, ja lea váikkuhan dasa ahte suohkan lea sáhttan sihkkarastit buriid ja bissovaš ássandilálašvuodaid máŋggaid mánnábearrašiidda. Dat lea maid leamaš váldomihttun stádalaš oktavuodas.

Álggahanloatna lea maid buorre doarjja dakkár viessomárkanis go Guovdageainnus, mii lea oasti márkan, dannego mis leat unnán ássanviesut vuovdimassii. Guovdageainnus lea gáržžes ássandilli mihá badjelis go gaskamearri riikkas.



Gáržžes ássandilli lea eallindilliindikáhtor mii sáhtá čájehit ekonomalaš ja materiála eavttuid buori eallindillái. Vaikko gáržžes orrundilis ii soaitte leat negatiiva váikkuhus dearvvašvuhtii, sáhtá dat daguhit ahte olmmoš ii loavtte áiggi iežas viesus.

Álggahanloatna lea vuogas ja buorre loatnaortnet, muhto ortnet ferte geavahuvvot stáda mihttomeriid ja eavttuid mielde, ja maid dai ođđa ruhtadannjuolggadusaid mielde. § 2. *Reglement for kommuners og fylkeskommuners finansforvaltning*. Suohkanstivra dahje fylkkadiggi galgá ieš buktit njuolggadusaid suohkana dahje fylkkasuohkana ruhtahálddašeapmái.

Njealját teakstabihtá cealká ahte njuolggadusat galget vuodđuduvvot suohkana dahje fylkkasuohkana iežas máhtu mielde. Hálldahushoavda ovddašta manni ruhtadanhálddašeami suohkanstivrra dahje fylkkadiggi bealis. Čujuhuvvo suohkanlága § 23 nr. 2, mii geatnegahtte hálldahushoavdda geahččat bearrái ahte áššiid mat biddjojít ovdan álbmotválljejuvvon orgánaide leat dohkálaččat čielggaduvvon, ja ahte mearrádusat álggahuvvet. Viidáset galgá hálldahushoavda suohkanlága § 23 nr. 2 mielde fuolahit ahte hálldahus doaimmahuvvo lágaid, lánkaásahusaid ja bajimus bagadusaid mielde, ja ahte dan sáhtá dorvvoláččat dárkkistit. Duhtadit dáid gáibádusaid, lea vuđolaš eaktun ahte suohkan dahje fylkkasuohkan máhtá dahkat dárbbášlaš fágalaš árvoštallamiid manni hálldahusas. Ruhtadanhálddašeapmi sáhtá ásuohuvvot eambo dahje unnit kompleaksa, ja gáibádus ruhtadanhálddašeami máhttui lassána hálldašeami kompleksitehta mielde. Dan dihte ferte leat oktiiheiveheapmi gaskkal rámmaid maid ruhtadannjuolggadus addá ruhtadanhálddašeapmái, ja sierra máhttu ruhtadanhálddašeapmái doaimmahit hálldašeami ja dárkkistit ahte hálldašeapmi dahku ruhtadannjuolggadusaid mielde.

Jahkásaččat leat 3 – 7 ásodaga vuovdimassii ja mii oaidnit dehálažžan ahte suohkan lea aktiivvaláččat mielde veahkehit ahte ássit sáhttet eaiggádit orohaga. Álggahanloatna lea veahkin sidjiide geain ii leat kapitála dahje eai oaččo loana báhkkus, beassat eaiggádit iežas viesu.

Vuollegis bálkkáid geažil lea ássiide váttis oastit viesu. Vealgegeahču gáibádus iežaskapitála ektui lea maid dai mearkkašahitii momeantta, go mii atnit álggahanloana iežaskapitála gáibádussii.

### **Mearrádusevttohus:**

Guovdageainnu suohkan váldá álggahanloana kr. 6 000 000,- Norgga Stáda Viessobáhkkus. Loatna lea jahkái 2020.